



21667

Mag. St. Dr.

P

Kalkomp

Tophotus

invenio


Rocki Joannis: Posthuma honorum Mnemo-  
sync in funere Christoph. Orszulski.

PANEG. et VITAE

Polon. Fol.

№ 882







POSTHVMA

HONORVM

MNEMOSYNE

In Funere

*ILLVSTRISSIMI olim DOMINI,*

D. CHRISTOPHORI

à TĘCZYN

O S S O L I N S K I

PALATINI SANDOMIRIENSIS, &c. &c.

Optimi Ciuvis Patriæ, & Senatoris  
longè meritissimii.

*A*  
M. JOANNE RACKI, Collegij Vladi-  
slauiani Poëseos Nouodvorsc: Professore.

Lugubribus Camœnarum Threnis in Lucem  
publicam

EXCITATA.

*Anno à Partu Virginis 1645. 10. Aprilis.*

CRACOVIAE,

In Officina Typographica Martini Philipowski.



IN ARMA GENTILITIA,  
VETVSTISSIMÆ STIRPIS  
OSSOLINIORVM.



*Pallada quæsierat, quærens ubicunque latentem  
ASCIA, fortè Iouis diuidit ante caput.  
Nunc OSSOLINIVM sociâ cum Morte petiuit:  
Impia fortassis? Non. Ibi Pallas erat.*

ANDREAS SIERAKOWSKI  
Stud: Poëseos.

A L I V D.

*Arma Virumq̃ videns Aciesq̃ Gradivus; ab Hemo  
Exilit. atq̃ aciem lustrat & ipse suam.  
Sed Topororum cernens bellare Secures  
Has ait has Acies, Arma Virosq̃ probo!*

MICHAEL ZOLKIEWSKI  
Stud: Poëseos.





Illustri ac Magnifico Domino,  
**D. CHRISTOPHORO**  
**BALDOVINO à TECZYN**  
**OSSOLINSKI**  
Palatinidæ Sandomiriensi, Stobnicensi,  
Robczycensi, &c. &c.  
**CAPITANEO.**

*Domino Domino & Patrono Glendissimo.*

F. P.



Cerrimi doloris spectaculum, cuius Magna pars es Illustr: & Magnifice Domine, posthumus hic nostrum omnium ad Te deproperat, luctus Tu Paterni nominis Executor vnicus, Heroicarumque eius virtutum hæres ex asse; lectissimus fuisti: Tibi fleuerunt, vel tecum potius hæ Camænæ, qui meritissimum Parentem, non tam ex oculis sublatum; quàm ad animum translatum, recolligens quotidie, Nobis etiam dolorem hunc, Tuæ Pietatis, erga illum Testē, cumulatissimè repræsentas.

A 2

Verum



Verum tantò æquius doleas necesse est, quòd non solus:  
Cum bonis enim Regni huius Ciuibus, & vniuersa Pa-  
tria dolorem diuifisti, cui æquè atq; Tibi. grauissimus olim  
Senator CHRISTOPHORVS OSSOLIN-  
SKI Pater fuit: Hoc tantummodo Patriâ dolentior es,  
quòd Tu Patrem, sine repetendi spe, amiseris, illa, quod in  
Patre amisit, in Te Filio suo, id repertum, abundè recupe-  
rat. Quod reliquum est; perge Illustr: ac Magnif: Dñe  
vt cœpisti, ZBIGNEORVM, & CHRISTO-  
PHORORVM Auita Nomina, an Numina veriùs:  
Tuæ Poloniæ exhibe: Nimiùm quàm Fælix Patria  
sibi videtur, quoties hæc omnia, præfenti mærore pul-  
lata, per Te in lucem publicam exoritura, præfagit.  
Inuidet etiam Nationibus exteris, quæ Te nuper, à La-  
ribus domesticis, ex suis amoribus rapuerant vt bea-  
rentur: at postquam postliminiò reducem Te aspexit,  
suspexit; Auitisq; Honoribus ornare; vt mereris; conten-  
det. Ibis Illustr: ac Magnif: Dñe, de Honore in Honorẽ:  
Ibis ad Trabeas, Paludamenta, Curules, Gentilitiâ Tuâ  
Asciâ, viam Tibi expeditam, sternente; ad amplissimas,  
quæ Te in Repub: expectant, dignitates ibis. Deus inte-  
rim Opt: Max: adultas Spes Nostras, & Reipubl: benè  
ominâtis vaticinia, confirmet & adaugeat, vt Te Religio  
Paterna Christophorum, Polonia Ossolinum, Academia  
suum olim Baldouinum experiatur. Ita auguror & opto.

*Tuæ Illustr. & Magnif: Dominationis*

*deditissimus & ad obsequia paratus*

IOANNES RACKI, Art: Magister  
& Philos: Doctor, Collegij Vladisl.  
Poëticæ Nouodu. Professor.



# V A T E S.



*Assiste muto Phæbe silentio:  
Jam feriatum tendere barbiton  
Coegit usus, iam virescit  
Vere, suis Helicon Camænis.  
Auditis? ô quàm (proh dolor) ominis  
Inauspicati, prima cadentibus  
In verba lymphis, verba, questus  
Audyt, & modulatur Hebrus!  
Amœnitatis Sarmaticæ Pater  
Discessit: eheu! cecidit in abdita  
Sepulchrâ terrarum: Polonis  
Non iterum rediturus oris!  
Intrauit altam iudicij domum,  
Sententiarum triste senaculum,  
Illamque Maiestatis arcem  
Elisiis capit in Triumphis.  
Hem! veris instar, vultus ubi illius  
Affulsit, exnunc ritè Curulibus  
Manes salutatum receptant  
Sidereis venerando votis!  
Iam iam beati: vestes in ætheris  
Discessit aulam: vivere pulchrius  
Incepit: Oratorque cælo  
Pro Patria dabit elocutus.*

B

Gratum



Gratum Tonanti Carmen, & annuens  
Responsa votis : scilicet aspicit  
Caelos, & euagatur astris,  
Lechiacum speculatus orbem.

At mæsta tandem patria lugubres,  
Planctus, querelas ingeminat suas;  
Sæuosque singultans dolores.

Raptor Olympe (refert) virorum!  
Et orbitatis causa (gemit) meæ  
Cur inquieto perfidus impetu!

Furaris OSSOLINIORVM

Grande iubar, Patriæq; sydus!

Ergò potenti sic placitum Ioui?  
Sic optimorum seligit agmina.

Adulta virtuti, & minores

Spernit humi, residesue temnit!

Exhinc querentes funera, Neniæ,

Luctus & adsint, & querimonie

Testentur, immanem imperantùm

Inuidiamq; fleant polorum!

Quæis paret orbis, cunctaque flumina

Quæis lux, & inuisi horrida Tenari

Sedes, Atlantæusque finis

Concutitur: polus ima summis

Infert, & insignem eripiet virum!

Obscura linquit! Dicite, dicite,

Narrate, vicatim exprobrate

Pegasides, Patriæq; chordis

Lenite planctus intolerabiles:

Discant abuti lege potentie.

Adeste Musæ: umbram sequamur

Tristibus (en latitat) Cupressis.

Chrisla.



I.

*Christophorum video ferali exire pheretro.*

ADES SPECTATOR,  
Mors est quæ de animis verum dicit.

*Illustrissimus olim Dominus,*

D. CHRISTOPHORVS  
à TECZYN  
OSSOLINSKI.

Honoribus Patriæ sustentandis, adultus Atlas,  
Lumine virtutum Auitarū Cuius maxime Illustris,  
Tandem in Regionem vmbrae Mortis diuertens,  
pullatâ Libythinæ atratus caligine,  
transmisit, non amisit, vitæ Heroicæ  
SPLENDORES.

Sic CHRISTVS ferentibus & quærentibus se,  
Seruus seruorum suorum à Patre constitutus,  
in urnam quoq; opera eorum secuta  
magnificum merentibus comitatum destinavit.  
Quidni destinasset CHRISTOPHORO?


Is Tu demum Illustrissime Domine fuisti, quem nunquam Patria respexit; quin suspiceret: nunquam suspexit; quin Religionis, Pietatis, Zeli, & cultus Diuini exemplar perspexerit. Magnos olim & Maximos, Veros, Pios, Augustos, Pertinaces, Romana suspexit antiquitas: in Te vel Censore Orbe Poloniarum, præfaga fati venturi lussit Parca; dum antequam quidquam fieret, in Auita stirpe Christophorum Te, in orbem progenuit, omen Magnis Christi baiulis non absimile: quod magisne nomine, an re, an verius vtroque, usque ad augem consistentiæ impleueris, du-



bitet ille, qui Tuæ ASCIÆ Gentilitiæ, in exscindendis hæresibus, & plantanda Christi Ecclesia, laborem & ædificium ignorat. Nobis ut nominis eius magnitudinem suspicari; ita ad posterorum memoriam, in Fastos immortalitatis, aliquid ex tot tantisque Tuis gestis referre, æquum est. Audi Posteritas! commoda aurem virtutibus, quarum imitatrix esse sollicita teneberis! Illustrissimus olim CHRISTOPHORVS OSSOLINSKI, Vir auctoritatis summæ, candoris præcipui, humanitatis singularis, zeli incredibilis, per Tribunalia, Comitata, Comitola, Christophorus cum esset ubique, Christum priuatim ardentissime dilexit: publicè vindicauit, semper asseruit, etiam cum sui nominis inuidia, mori, armarique pro eius gloria paratior, quàm dispar suo nomini (quo semel Athleta Christi initiatus erat) reperiri, esse, & videri maluit. Nouit Racouia quid loquamur, non obliuiscetur Opatouia, quod prædicamus. Conuentus Regni & Curia, Lublinenses & Varsauenses Arcopagi; Parietes ipsi, in Deum amorem, in Diuos Indigetes cultum, in Patriam pietatem, testabuntur. Stobnicense Cænobium, ad Religionis propagandæ studium, & eradicandam impietatem vtrinque serpentem, ad celebrandas Diuinitati, nocte dieque laudes, è fundamentis erectum, illius Magni Christi & Ecclesiæ Atlantis memoriam celebrabunt. Ne parum arbitreris Christum, per Fora, & Conuentus Regni tulisse, nisi Antichristi prodromos sectatoresque sustulisset (ô rarum pro Christo zelatorem!) Krzelouiam hæreseon latibulum, impietatis domicilium, ad Christum crucifigendum alterum Arrianis Caluariæ locum, Krzelouiam inquam, solius Dei amore, cui totus adhæserat, nullo sibi in terris usu fructu quæsito, solum ibi inuenturus vitæ thesaurum ut eradica-



dicaret, ex eius latifundiis Hæreticæ prauitatis, zizania,  
emit, emptam (quis crederet fieri vnquam potuisse) post  
expensa tot nummorum millia, sine spe recipiendi in terris,  
aduitalitos sumptus alijs concessit, sibi æternitatē reliquit,  
dignus, qui in perpetuas æternitates Krzelouiam de pin-  
guedine Terræ, & rore Cæli fructificantem vidisset, nisi  
verius, in beata æternitate, commutans in solidum æterni-  
tatem, cum Christo, perennare maluisset. Leuem æsti-  
mas Religionis promouendæ zelum? Cognosce, quæ se-  
quuntur: nostris etiam sæculis, Regnum Cælorum vim  
pati, & noua Gygantomachiâ Heroum expugnabilie esse  
affirmabis, quod Illustriss: CHRISTOPHORVS  
OSSOLINSKI, inter spolia suorum laborum, victor  
rapuit; cum omni meliori modo præcauisset, ne eius quon-  
dam Ecclesiæ, ad posteros, prostitutionem Religionis pa-  
terentur. Dubitabis? Attende quid fecerit. Si & in  
quantum ritus Catholici Iwániská quauis posteritatis in-  
curiâ ad Successores Hæreticos deuolueretur: Ecclesiam  
eius Oppidi, cum iure Patronatus Academiæ Cracouiensi,  
vt euincantur eius immunitates, incorporauit & inscripsit.  
Optimus Almæ huius Matris Fautor & Patronus, qui pie-  
tatem, quam in Academia, Schola Regni Generali didicit,  
eandem posthumâ in manus, vnde acceperat, resignauit.  
Cuius beneficii non immemores Vladislaides Musæ, pau-  
lisper Oratione consistere iussâ, Religionis Auitæ vindici  
fortissimo: Christianæ veritatis Protectori fauentissimo,  
Tutelari oppressorum ac Patrono Optimo Carmen  
debitum accinemus,



C

CHRI.



CHRISTOPHORVS  
à CHRISTO  
SVBLATVS.

**N**Unquam marmoreo Pietas inclusa sepulchro  
Fouente subter delirescit funere.  
Viuat & ignaui, temnit discrimina lethi  
Nec Portitoris scandit inferei Ratem.  
Occidit, occideritq; sinas, cum stamine vita  
Fortuna fallax, ius in hanc ratum tenet.  
Sed tamen Auspiciis si cui melioribus Annos  
Regina virtus si cui ordinauerit:  
Viuat hic, egregius Obitus non officit ausis  
Nec Lachesis atra hunc falce Libythinæ dabit.  
Sic en Christophorus virtute per ethera fertur,  
Assecla pietas firmat abeunti gradum  
Quà Ganymedæos signat via præuia gressus.  
Hac ille Christi Portitor cælos petit,  
Reddit inexhaustam illi Munificentia Gazam,  
Religio pone dexteram latus t  
In vita quas fudit opes, Opulentia Diuum  
Benigniore Copiæ cornu refert:  
Nil perit in cassum: redeunt cum senoræ merces,  
Quas nuper Orbe misit, ad Cælos, ab hoc:  
Miratur! tantinè fuit: terrestria, Cæli  
Mutare donis! siconè compensant Dii!  
O si consimili superi capitolia templi,  
Corpore soluto Lechiadæ scandere libet!  
Christum portantes cælos tentare licebit;  
Christum ferenti libera aditu fit via.



II.

*Cerno OSSOLINIÆ Gentis decus esse recisum.*

D O L E.

Quisquis Rempublicam vel virtutem amas  
Grande vtriusque lumen & columnen cecidit.

*Illustrissimus olim D. Dominus,*

à TECZYN

O S S O L I N S K I.

Natalibus, meritis, virtutibus,  
Summis quibusque par:  
Ingentibus Ausis & Factis  
Patriæ suæ, totiq; Europæ clarissimus;  
Vivus, subditorum suorum Fælicitas,  
Mortuus, omnium Lachrymæ,

F V T V R V S.

Vtinam natus immortalis fuisset.  
Orarò concessa mortalibus diuturna bona!  
Inexorabiles illæ & parcæ fatorum Dæ!  
Quæ vltra mortalitatis terminos, neutiquam  
terminum prorogant, quin omnes geneosioris  
vitæ rationes, & ornamenta familiarum  
rogo tandem infarciant & comburant!

Iam eò Te euexerunt Illustrissime Domine virtus & for-  
tuna Heroica, vt ad maturitatem honorum, & dignita-  
tum perfectionem, sola in Te desideraretur perennitas.  
OSSOLINIÆ Stirpis adultus in Patria Surculus,  
cumesces. Teczyniano iterum implantatus viridario, &

C 2

quid



quid tandem aut maius sperare? aut excellentius optare  
potuisses? Non percurrentur singula, quæ cum singularia  
sint, non modò numerari non possunt sed vetustatis fidem  
etiã fatigarūt. Ibi à plurimis annorū Centuriis, quæ Sago,  
quæ Togâ florentes & paludati Duces, ibi gloria, ibi for-  
tunæ, ibi omnis amplitudo constitit, ibi posterorū quædam  
cum ætate currens æuiternitas sibi fixerat, domicilium:  
Regio lateri perpetuò assistere, ad sacram eius esse aurem,  
Augustæ Regni Maieſtati quâ publicè, qua priuatim  
præire, Roſtra & Caſtra, pro libertate & Regni custodia  
moderari; Senatoriæ Purpuræ esse Reges, huius Familiæ  
hæreditaria quodammodo fuerunt ornamenta. An cum  
his primò Polona gens; an per hos surrexerit? Anti-  
quitatis arcanum est. Illud certum, ante humanitatis in  
Polonia originem, Topororum Aſcia, libertatis funda-  
menta dedolauit, ab ingenijs ruditatem à moribus rubigi-  
nem, à uita barbariem abraſit; verbo complectar, Palla-  
dem è Cerebro uetustatis formauit, vel Diuinâ Palladis  
arte Poloniam reformauit. Annalium Fidem deſideras?  
Non commemoretur vetuſtiſſimorum STRAZO-  
NVM pro Aris & Focis expreſſa custodia: taceatur NI-  
COLAI OSSOLINSKI ſapientia, quâ cum Diuo no-  
ſtro Iagiellone Lithuaniam Regno & DEo vindicauit:  
MARTIANI Capitanei Krzeſzouien: fortitudo: HIE-  
RONYMI Caſtellani Sandomiriensis iuſtitia; ſexcento-  
rumq; aliorum Heroica vel Diuina geſta omittantur. An  
ZBIGNEVM OSSOLINSKI Palatinum Sandomiri-  
enſem, Parentem Tuum quiſquam ignorat? Nullum ſine  
illo firmum in Senatu conſilium, nullum abſq; illo bellum  
perfectum, nulla vnquam pax, niſi per illum ſtetit, eo, tan-  
quam Atlante Coelum, Reſpublica nitebatur. Etiamnum  
dubitet



dubitet aliquis si potest; iurene Pater & Conseruator Patriæ, à D. SIGISMVND O III. appellatus fuerit, cū Te pro illo Geryonem quendam sempiterni nostri productum esse agnoscit. Nulli Scipiones, nulli Nasicæ, Metelli nulli, nullus Nestor vel Vlysses, antiquitati tantū profuerunt, quantum Vos: Vos inquam Triumviri præstitistis. Omisissis nunc maioribus: MAXIMILIANVS OSSOLINSKI S. R. M. Custos, & laborū Thesaurarius, quo Catone tandem vel Fabio inferior? Non hoc dicam, quantā polleat prudentiā, quo consilio, quā auctoritate, quā sit magnus in literis, firmus pro veritate, offensionum pro Ecclesia, & publica vtilitate impavidus: Omnes enim ista norunt, quicunq; hunc norunt. GEORGIVS, verō OSSOLINSKI Supremus Regni Cancellarius diu votis concupitus, an non magnificentior ac neruosior Tullio? an non Orbis Christiani Caduceator admirandus? cui ad amplitudinē honorum in Patria, exteri Principes, certatim ornamenta ingerebant nolenti? Equidem cōprobauit euentus illius oraculum, quisquis dixerat, cū planē triumphantem, in Vrbe Orbis Regina, agnouisset; si sex præterea tales (Idæa) tulisset Terra Viros, confestim vt quondam Orbis domitor magnus ille audiuiisset. Aliud Tibi Fili mi Regnū quære, iam Te Macedonia non capit. Sed nunc vanum est, vmbatili hac Camœnā Illustrissimolim OSSOLINSKI coarctare Decora velle, tota hoc mirabitur posteritas, & nulla vnquam ætas de ijs laudibus conticescet. Nunc etiam tantum decus, ingrato obruere silentio iniquum iudicantes Vladislaides Musæ; & ad OSSOLINIANÆ mortalitatis, in hoc Sarcophago Depositi, debitæ venerationis ergo, concinentes lessum, exclamant: Viues & viues Illustr: CHRISTOPHORE OSSO-



OSSOLINSKI, viues, Christo, cuius fortissimus Atlas fuisti in terris, vitam Tibi immortalem, suppeditante in Cœlis: Hoc Tibi Religio in Deum: hoc Pietas in Patriam: hoc denique Tua & Tuorum merita amplissima pollicentur.

## OMEN IMMORTALITATIS.

**L**audata virtus si redit ad genus  
Nomenq; riuo fons dat honestius,  
Haud mortale sonantem  
Vates Christophorum puto.

Ex quo Poloni Conditor Imperi  
Longæua Lechos viuere secula:  
Insit Regius Auspex:  
Exhinc ASCIA posteris

Perennè struxit Christophori decus  
Non desitutum turbine temporum.  
O laus prima, Polonum  
Regno viuere compari!

At nec secundas poscit adoreas,  
Florere magnis semper honoribus;  
Summum; Ossoliniorum  
Increuisse sacrariis.

Quis Sarmatarum nesciat Hectoras  
Solo æstimandos, nomine Sieciechi?  
Solem nesciat orbis  
Effulgere perenniter?

O si furentem sic Lachesim ASCIA  
Vincas: nec ultra fata moraberis!  
Ex hinc Stemmatibus huius  
Terræ Semideos voco.

Specio



III  
*Speculo Palatinas hebetari à Morte secures.*

STA H O S P E S,

Mortis iudicium ne tempseris vnquam,  
Cum, omnia ementitis Coloribus,  
Extenuent veram Rerum magnitudinem,  
in variabili sublunarium decremento:  
Mors sola fatetur, quantula sint hominum corpuscula.

*Illustrissimus olim Dominus,*

D. CHRISTOPHORVS

à TECZYN

OSSOLINSKI.

Palatinus Sandomiriensis, Volbramen: &c.

CAPITANEVS.

Verè Maximis certare potest  
qui de suo, etiam post Mortem, Magnus est.  
Nihil illi casus, nihil adulatrix apposuit Opinio,  
Leuitatis illam cæcutientem Diuam, adeò meritis constri-  
ctam coègit; vt quæ in aliis fortuitò vagabatur,  
Commutatâ in melius leuitatis constantiâ

FACULTATES, HONORES, GRATIAM, AMPLITVDINEM.

Cæteraquæ Fortunæ dispensantis Bona

Hæreditario successionis iure

OSSOLINIIS impertiret.

Nega si potes Christophorum fuisse Patriæ Atlantem.

Qui vniuersi molem, digito virtutis suæ tenentem

Christum, cum Mundo portauerit.



ENAGNOSE.

A duodecim illis post Lechum Palatinis Regnantibus  
continuatâ tot seculis posterorum Historia

OSSOLINIOS propagasse originem.

An non hæreditaria illis Laticlaviæ dignitas purpuræ?

Annon Palatinatū tam diuturna possessione præscripserūt?

Trabæ, Curules, Annuli, Phaleræ, Paludamenta,

cæteraque Priscorum insignia

Huic Stirpi domestica sunt.

Non tam Anchora Spei Antiocho innascitur;

nec tam purpureus capillus

Niso Megarensi excreuit Regni præscius; quàm

his Sécures Amplitudinis Auitæ:

antequam nascantur,

iam ab ijs expectantur.

His per Sécures per Fasces numerantur Aui;

Fælicior ille quàm Sylla, beatior quàm Metellus

ZBIGNEVS OSSOLINSKI,

Qui Palatinatum Sandomiriensem auspiciatò ingressus  
iisdem vestigiis Filios sequi iussit.

Verus Pater Patriæ, cui tot & tantos Senatores effudit,

& quòd omnis mirabitur Posteritas, prope sibi Successores!

Tres utiq; sunt, qui testimonium dant!

Sed quoniam per Templum Virtutis in Honori Sacrarium in-  
gressi, fæliciter in Auge splendorum & Amplitudinis Patriæ

conquiescunt. Mutæ VLADISLAIDES more eorum, qui

magnas vrbes ingressi, primùm sacras ædes, & dica-

ta Numini summo delubra adeunt, ad ædem

OSSOLINIANI honoris, in perpetuū

cultus & obseruantix Mnemosynon,

hunc exstruunt Colossum.





D.  
O. M.  
Illustris:  
Domini Dni  
CHRISTO.  
PHORI á Tęczyn  
OSSOLINSKI Pa-  
latini Sandomiriensis,  
á Clarissimo Starzone  
(ex Duodecim Palatinis  
Poloniæ Gubernatoribus)  
per longam Præstatissimorum  
virorũ seriem, originẽ trahentis.  
Zbignei Palatini itidem Sandomir:  
& Hedwigis de Siennno Palatinidę Po-  
dol. Filii, Hieronymi Castell: Sando-  
mir: Nepotis: Pauli Vexilliferi Sand: bo-  
norum Hungaricorum Possessoris. Prone-  
potis, Iáskonis Castell: Radomi: VLADI-  
SLAI Poloniæ & Hungariæ Regis Tutoris  
Abnepotis MORTALE DEPOSITUM  
in Habitu Religioso Sancti Francisci compositum,  
hoc in Sarcophago quiescit. Qui cùm viueret Deo  
præpotente, eiusque Religione Orthodoxa, Regum  
salute & gloria, ac Patrię incolumitate, nihil charius  
habuit: Dicendi erat Vir Senatoria grauitate, &  
salutarium consiliorum, Prudentia, vndequaque affuen-  
ti, æquitatis colendæ, & in omnes propagandæ vindex  
incorruptus. Quem cùm virtutes eius cunctis amabi-  
lem reddidissent, tandem, dum in conuentu Nobilium,  
fortiter; acerrimẽ fidei Catholicæ integritatem, propugnat;  
seque itineri, ad Comitia Regni Generalia accingit, Febri subitã  
& acutã correptus, ad æternam, felicitatem, brauium Christiani  
certaminis accepturus commigrauit Anno DOMINI, Millesimo Sex-  
centesimo Quadragesimo Quinto. Die 24 Februarii, Ætatis Sux 58.

C. B. A. T. O. P. S. S. R. C. P.  
A. M. P. H. D. S. M. P. F.

### INSCRIPTIO COLOSSI:

STO SVB OSSOLINIIS VICTURUS HONORIBUS OLIM.  
ME PIA MNEMOSYNE; STARE SUB ASTRÀ DEDIT.  
Tu, QUICUNQUE LEGIS PATRIÆ SOLANDO DOLORES  
Dic: STANDO VIUENS STANDO SENATOR OBIT!





C. B. A. T. O. R. S. R. G. P.  
A. M. P. H. D. S. M. P. F.

INSCRIPCIÓN  
DIO: STANDO VIRGINIA STANDO SENATOR ORIT  
IN QUINTOUBEDISTATIK BELANDOR  
MELIA MEMORANT STANBNEASTA  
STOVB OCOLINIS VICTORIS HONORIS Olin



Biblioteka Jagiellońska



stdr0017116



